

# VAR MARO

## An Autrou Le Gonidec,

AR GWELLA GWIZIEK EL LANGACH BREZONEK.

---

Va c'halon zo dizec'het, va zeod stag ouz va staòn,  
Ne red em speret nemet sonjezonou a gaòn.  
Hon mestr, sioaz! zo er bez.... Ra deuyo an douar  
Da veza skànv d'e gorf paour, mar emâ e pouar.

Ne mâ mui, hor c'henvroad, an Autrou GONIDEC,  
Pini voa ker gwiziek el langach Brezonek!....  
An daouzek a viz here e rente e ene,  
Goude pemp Miz a gouzanz, etre douarn Doue.

Nebeut voa anavezet gant ar bobl eus hor brô;  
Hogen tud gwiziek a Vreiz en e lakas ato



Etouez ar re brudeta dre o speret huel,  
Hak e goll a c'hlac'horo hak a dost hak a bell.

Da vêred euz a Vontmartr, er gêr euz a Baris,  
Ar c'haòn en deuz en heuillet gant kalz e genvroïz;  
An Autrou Brizeux var bez an Autrou GONIDEC  
En deuz grêt ar melodi a dad ar Brezonek.

En eur renta d'an douar eno e wir vignon,  
An Autrou Brizeux neuze, glac'haret e galon,  
A deu, en eur hirvoudi, ha gant ur voüez tener  
Da bronons ar c'homzou-mâ var bez ar Breiziad ker :

« Ra deuy hor brô ger a Vreiz da glêvet hor c'heuziou  
» Var ar c'holl braz ra hirio, a fraill hor c'halonou :  
» Unan demeuz an nopl a douez e bugale  
» A renkomp, sioaz! hirio, gwelet disken er be!...»

» Betek an deiz a vremâ n'en doe brasoc'h soursi  
» Nemet skrifa evit Breiz ha beva eviti.  
» Nan, biskoas ne voe gwelet, an oll en lavaro,  
» Un den ker gwiziek hak én e langach e vam-brô.

» Kenvroïz Autrou GONIDEC, c'houi a anav ervad  
» Petra voe e oad kenta : oll e voe deread.  
» Ganet voa e Conc-Leon, hak e kuittas ar gêr  
» Evit ober e studi e skolach Landreger.

» D'an oad euz a zeitek vloaz, er révolution,  
» En amzer eus a drubuill, a hirvoud, a spouron,  
» Voe kunduet d'ar chaffot vit beza dibennet;  
» Hogen vel dre ur mirakl voe neuze savetet.

» Mesket goude en tragas, nesp̄et d'e zantimant,  
» Kontraign da vont d'en em goach, gwisket vel ur payzant,  
» En em lakas da zeski euz hor brô al langach,  
» Pehini a gozee en e vugaleach.

» Hac adalek an deiz-se e voe bepret c'hoantek  
» Da skrifa meurbed reizus hon langach brezonek.  
» En oll blasou a zalc'has n'en devoa nep repos,  
» Bepret euz ar Brezonek voa okkupet deiz-nôs.

» Ha ni lezo e gorf paour amâ, pell deuz e vrô?  
» Oh! nan.... Ni oll, Bretonet, gant soign a gemero  
» Ar voyen ma vo rentet en e gêr Conc-Leon,  
» Vit ma vo darempredet atao gant peb Breton.

» Reketomp ma vo savet kerkent eno neuze  
» Eur *Men-Hir*, evit diskeuz pelech e vo e ve;  
» Peb Breiziad a dle kaout c'hoant da zont, euz e voyen,  
» Da zicour sevel ur bez da un hevelep den.

» Ra deuyo ar Vretonet da gompreñ o dever,  
» Ha ni, diskibien leal d'eur c'henvroad ken ker,

» Promettomp oll assambles, var ar bez-mâ stouët,  
» Biken hano **GONIDEC** na vo ankounac'het. »

Choui, e vignonet yaouank, oc'h euz het an eûr-vad  
Deuz an Autrou **GONIDEC** alies da dostât,  
Autrounez a Vilmarqe, ha c'houi, breudeur Courcy,  
De Léseleuc ha Brizeux, ha c'hoas meur a hini,

Kuntinuit da skrifa var hor brô ger a Vreiz;  
Oll e zoc'h dispozet mad d'en ober gant kalz reiz :  
Eur servich euz ar vrasa a rentoc'h d'hor mam-brô,  
Hac ur blijadur meurbed da gement ho lenno.

Meskit iveau ho taelou gant hon re, va breudeur,  
Choui pere, pell diouzomp, zo o chom e Breiz-Veur;  
Rentit hommach da vemor an Autrou **GONIDEC**,  
P'ini veldoc'h a garrie hon langach Brezonek.

*Eur Breiziad.*

Montroulez, 24 Here 1858.

Montroulez, Impr. LÉDAN.